


Belgici nominis ortum ipsa antiquitas obfuscat . quamvis conijciant pleriq; famatissimā huius regionis urbem prouincias has suo nomine impertijisse , quarum ipsa tum caput extiterit , hanc suam fuisse urbem affirmāt Hannonij, eoq; constitisse loco , quo hodie Bauais oppidulum conspicitur , vnde se credunt Bellouacos , idq; oppidulum Bellouacum Casare appellatum : quanquam hoc alij de Bauais Picardiæ oppido intelligere malunt. Sunt qui dicunt à Belgio quodam eorum duce sic appellatam regionem inter quos & Berofus, ait enim. Belgiū à quo hi Belgæ nominantur, regnasse apud Celtas tempore 16. Regis Assur. Hunc Hannonij oppidi sui authorē fuisse asseuerant, ac Brenni socium, cum quo in Macedonas expeditionem faciens, Rege eorum Ptolemæo occiso, ipse quoq; tandem cecidit. Hodie itaq; sub Belgij nomine comprehenditur ea Germaniæ inferioris pars, quæ ab Eyphalæ montibus incipiens ad Oceanum vsq; Germanicum & Britannicum protenditur; cuius bona pars Catholico Hispaniæ Regi Philippo ac Belgij Ordinibus hodie subiecta est . Eiusq; extremæ prouinciæ Meridiem & Occidentem versus sunt Hannonia & Artesia; versus Orientem verò & Septentrionem VVestphalia ac Frisia Orientalis; cum tamen olim latius extendereetur . Germani autem inferiores dicuntur, quod pro maiori parte lingua vtantur Teutonica. Incolas habet benè proportionatis corporibus, forma præstanti, commendandaq; scæminis, liberalis ac decens viris, licet nonnullis in locis præciores gignantur, vt Hollandis Zelandisq; : ac gloria bellica claruere plurimum, quam hodie loci commoditas in mercaturæ studio conuertit, vsq; adeo vt non viri tantum, sed & scæminæ negotiationibus incredibili dexterritate addicissimæ sint, cum à teneris mercari assuecant. quo fit vt viris nonnullis locis, vt pote apud Hollandos & Zelandos subinde vel feriari liceat, vel vaccis mulgendis insistere, scæminis ita viraginantibus vt nulla virilia pensa ab se aliena putent, Linguarum vterq; sexus Belgarum ita studiosus est, vt præter vernaculam pleriq; ternas, plures binas, singuli ferè vnâ addiscant linguam peregrinam . Literarum insuper ac artium , facultatum quoq; singularum doctissimos viros, rei q; literariæ rara ornamenta producit Belgia. mediocriter verò eruditorum etiam nusquam frequentia maior. Nec mechanicarum artium infimi sunt, eorumq; quæ vident celeres imitatores; nouarumq; rerum felices inuentores Typographicæ enim artis inuentionem primam Batauicæ vrbi Harlemono planè tribuunt, primam quidem praxin Moguntiaci concedentes. Colorum oleo temperatorum vsus, tabulas eo pictas ab æui iniuria vindicans, in Flandriæ Brugis ortus esse constat. Quin & primi chalcographi circa VVestphaliā in Marchiæ comitatu fuisse perhibentur F. V. Bucholt, & Israel von Meckenich/ horumq; alter opilio fuisse creditur. eos subsequutus erat Martin. S. (quod quidā Stock, quidam Schon legunt) isq; Düreri postea instructor fuit sub quo florere ceperunt Lucas Leydanus, Henricus Aldegrauer, Lambertus Suavius. imò totius Italiæ celeberrimum Cornelium Cortium Batauiæ Horna edidit. vt reliqua multa in varijs facultatibus excellentia ingenia Belgica præteream, quorum bona pars etiamnum florent. Nec modico lucro præter laneorum lineorumq; pannorum opificia ibidem nata, etiam sericarum ac holosericarum tellarum imitatores sunt seduli. Agriculturæ minimè etiam ignari sed & scientissimi, in hortorum cultura vix alia gens magis industria. Rei quoq; nauticæ peritissimi sunt, naucleris etiam Mathematicarum non ignaris . vnde Orbem penè vniuersum nauigijs suis

qui



que habent numerosissima, pererrant. raro etiam sauisimis tempestatib. obortis,
portui applicantes nisi itinere confecto, optato limite potiti sint, cum ob nauium
robur ac firmitatem, tum maxime experientiae suae in ea arte, ac laboris fiducia.
Territorium in vniuersum planu rarissimisq; monticulis collibusq; conspersum;
nisi vbi circa Lutzenburgij Ducatum, ac Namurcensem, & Leodiensem episcopa-
tum frequentioribus tumulatur collibus. Verum vt eundem locum non omnibus
beneficijs cumulat natura, ita alijs alioru defectus compensat. Cum enim incolis suis
alendis vix aegreq; sufficiat regio; loci commoditas ei inopiae opitulatur: ita vt per
Oceanum eius victualia conuehantur maiori vbertate ac varietate quam vsquam
genitum nascantur. ad omnes .n. ac praecipuas non Europa tantum, sed Asiae etiam
atq; Africae partes per Oceanum iter illis patet, quin & Indorum cum Orientalium
tum Occidentalium commercia ipsis prompta sunt. Vini in ea parum nascitur.
Thermas vix alias habet quam Aquisgranenses. nec minora multa habet. Sale
quem coquunt, multiplicant magis quam vt conficiant: nisi enim. Hispanicum ha-
beant, suum nunquam conficient. Plumbi cupriq; parum, ferri satis magnam co-
pia ex Leodiensis diocesis ferrifodinis ac Hannoniae nanciscuntur. Ex ijsq;
duabus prouincijs lithantraces proueniunt, qui per vniuersam Bel-
giam diuecti, lignoru inopiam leuant, gignit & Hannonia tria
alia lapidum genera, inter quae & marmor colore varie-
gatum, ornamentis aedificiorum ma-
ximè idoneum,

